


Deftere Bikkon

Don sappina

Aranol
Paska



Windowo: Edward Hughes
Didowo: Janie Forest; Alastair P.
Mo'inowo: Lyn Doerksen
Lornowo: Christian Lingua
Wanginowo: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2021 Bible for Children, Inc.
Jarfuye: A don mari jarfu windugo mala wurtinugo tariya
ndu nder masin, to na je sippugo.



**Debbo go dari ha do
hoosere, gite mako
woji don lara ba kuje
nawdum don sala.
bingel mako don
no maya. Dada
man dum Mariya,
e o don no dari
ha baabal je be
wafi Yesu.**





**Noy noy hunde man sali?
Noy noy Yesu footi timmina
balde mada je wonde bana
ni? Noy noy Allah footi
jabba kujeji be
wafa bingel
mako ha do
gafangal e
maya ha do
ton? Yesu harbi
do mo o lati na?
Allah on harbi na?**






**Kay! Allah harbay.
Yesu harbay ko tis.
Yesu aandi no diga
boyma yimbe
kalludum mbaran
mo. Diga Yesu don
no bingel, wodi
ndotijo feere inde
mako Simeyon wi'i
ha Mariya yo wodi
sababu je salato.**



**Balde seda hidekko
be mbara Yesu, debbo
feere wari e rufi burdi
ha do kosde mako. "O
don majina ceede mere,"
pokara'en wi'i. "O wadi kugal
mbelka", Yesu jabbini. "O wadi dum
ngam irugo yam." dum irin wolde dume bani?**



**Ha bawo man, Zidas,
gooto ha cakka pokara'en
je 12, jabbi wadugo
jungo ha do Yesu e o
sippi mo ha ardudo
modibo ngam
ceede 30.**





**Ha julde Paska Yuhuda'en,
Yesu hoosi timminorde nyamdu
mako be pokara'en mako. O
wolwini be do kujeji bodde do
Allah be kabolji mada ha yimbe
je yidi mo. Nden kadi Yesu
hokki be tamsere be jardugel ha
be senda. Ndu nda ha be siftora
yo bandu Yesu
be iyam mada
ɗum je yafuye
hakkeji.**



Bawo man Yesu wi'i ha sobirabe mada yo be wadan jungo do mada, e be sankitan, "Mi footay mi dogga," Petrus wi'i. "Hidekko gugumri yimma, a yeccan a aanda kam nde tati," Yesu wi'i.






**Seda ni be jemma
man, Yesu yahi ha o
jula ha nder jarne
getsemana. doydi
hoosi pokara'en je
o ngondi be mabbe.
"Wayo baaba am,"
Yesu juli, "... Wadu
jardugel ngel daya
be Am. Ama na
bana mi yidi, ama
bana a yidi."**



Seda ni yimbe jur don no ngara ha nder jarne, be Zida ha yeeso. Yesu satinay hoore, ama Petrus ta'i nopel godfo. Be hakika, Yesu memmi nopel godfo man e nyambiti dum. Yesu aandi yo dum hasduye Allah ha be nanga mo.




**Yimbe yari Yesu ha yeeso ardudo modibo. Ha ton,
ardube Yahuda'en hasdi dey Yesu maya. Ha seera bo'o**

**Petrus don joddi ha kombe
yite e don no lara. Nde
tati yimbe yurni Petrus e
wi'i, "A don no ngondi
be Yesu!" Nde
tati Petrus wi'i o
aanda mo, bana
je Yesu yecci.
Petrus wabi e
o hunni ma.**



KOKO-RIYO-HOK



**Nden kadi, gugumri
yimmi. Lati no bana
Allah on wolwi ha Petrus.
O siftori wolde Yesu, o
rufi gondi ha bura.**





Zida siftori ko o wadi

**hannay bo'o. O aandi fakat
Yesu wadday aybe mala hakke
sam. Zida lorni sunku 30 go,
aman modibe salli hoosugo
dum. Zida sakkini ceede man
ha lesdi, o wurti e bili bogol
ha daande mada e mayi.**







**Modibe yari Yesu ha
yeeso Pilatus, ngomna
Roma'en. Pilatus
wi'i, "Mi taway aybe
sam ha do Goddo
ndu." Ama yimbe
don sikka, "Wafe mo!
Wafe mo!"**



**Ha bawo man Pilatus jabbini
be e waddi ha be wafa Yesu do
gafangal. Soje'en duffi Yesu,
be wadi tude ha do yeeso
mada, e be bocci Mo. be wadi
metelewol be gi'e juttungel e
wati dum ha do hoore mada.
Bawo man be wafi mo ha do
gafangal hebba o maya.**



**Yesu aandi no jini bana ni o mayata. O aandi bo'o
wade Mada wadinan yafuye ha hakkebe je hokki amana
mabbe ha Mako. Mbarobe didi
don no waffi ha kombe
Yesu. Gooto nuddini
Yesu - e o dilli Aljana.
Je feere yahay.**




**Bawo bone sadirma ha wakati
deydey, Yesu wi'i, "Timmoto,"
e mayi. Kude Mada
Timmi no. Sobirabe
iri Mo ha nder
yanaande.**




**Ha bawo man soje
Roma'en mabbi e don
no ayna yanaande.
Jonta kam footay
godfo nasta - mala
wurta.**




**To bani tariya man timmi
kam, latan no jurumdum
manga. Ama Allah
wadi kuje feere
wonde. Yesu
jodday wade!**



**Be fajiri cup balde aarandere
je asawere, pokara'en Yesu
feere tawi hayre je
mabbinata yanaande
do itakke. Nde be
yurni ha nder
man, Yesu monay
ha ton fahin.**



**Wodi debbo gooto joddi, o don no
wokka ha kombe yanaande go.
Yesu wangi ha yeeso mada! O
doggi saare be seyo hebba o
yecca ha pokara'en. "YESU
DON YEDDA! YESU
FINDINAMA NDER
WADE!"**



**Seda ni Yesu wari no ha pokara'en,
e hollini be huddure je pinti wadi ha do judde
Mada. Don no gonga. YESU DON NO
YEDDA FAHIN! O haffini Petrus ngam o
wi'i o aanda Mo, e wolwini pokara'en
Mada be wolwina ko moy fu do Mako.
Nden O lorti ha asaman je
O ummi ha ton no.**



Aranol Paska

Tariya ha nder Wolde Allah, Deftere,

tawama ha nder

Matta 26-28, Lukas 22-24,

Yahonna 13-21

"Damugal Wolde Mada don hokka jayngol."

Jaabura 119:130



Timminol

54

60



**Tariya Deftere ndu don wolwina amin do Allah
amin je boddo je taggi amin e je yidi ha en aanda Mo.**

**Allah aandi min ngadi kujeji kalludum, je O ewnatta hakke.
Eltare aybe dum wade, ama Allah yidi ma be gonga e O nelli
no Biddo mako je gooto, Yesu, ha o maya do Gafangal e be elta
Mo ngam aybe mada, Nden Yesu finni nder wade e dilli ha saare
ha asaman! To a don nuddina Yesu e emmi mo ngam ha O
yaffa hakkeji mada, O wadan dum. O waran e O wondan
be ma jonta, e a wondan be Mako ha abada.**

**To a tammi dum gonga, Yeccu do ha Allah:
Yesu am, mi don nuddina an woni Allah, e lati neddo ngam
mayugo ngam hakkeji am, jonta A don yedda fahin. Useini nastu
ha nde jonde am e yafanam hakkeji am, ngam ha jonde am sanja
jonta, e yende feere mi wonda be ma ha abada. Wallam ngam
hedditugo Ma e yedda ngam Ma bana biddo Ma. Amina.**

Jaangu Deftere e ngewtu be Allah tum tum! Yohonna 3:16

